



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

PROGRAM MEĐUNARODNE SARADNJE GRADA SARAJEVA ZA 2026. GODINU
(NACRT)

Predlagač: Komisija za međunarodnu saradnju
Obradivač: Stručna služba za protokolarne poslove,
odnose s javnošću i međunarodnu saradnju

Sarajevo, oktobar 2025. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) i člana 90. stav (1) Statuta Grada Sarajeva („Službene novine Kantona Sarajevo“, broj 7/23), a u vezi s članom 57. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), Gradsko vijeće Grada Sarajeva, na __. sjednici održanoj __. __. 2025. godine, donijelo je:

(nacrt)

PROGRAM MEĐUNARODNE SARADNJE GRADA SARAJEVA ZA 2026. GODINU

UVOD

Programom rada Gradskog vijeća Grada Sarajeva za 2025. godinu, broj: 01-GV-02-1689/24 od 27.12.2024. godine, predviđeno je donošenje Programa međunarodne saradnje Grada Sarajeva za 2026. godinu.

Diplomatija gradova predstavlja važan oblik međunarodne saradnje Grada Sarajeva, koji aktivno učestvuje u globalnim procesima kroz direktne kontakte s drugim gradovima, međunarodnim organizacijama i diplomatskim predstavništvima. Grad Sarajevo koji ima 34 pobratimska i 19 partnerskih gradova, značajno je unaprijedio svoju ulogu u ovoj oblasti, ostvarujući benefite materijalne i nematerijalne prirode.

U cilju afirmacije glavnog grada Bosne i Hercegovine kao političkog, privrednog, kulturnog, sportskog i turističkog centra regije i Evrope, te povećanja vidljivosti Sarajeva na međunarodnom planu, posebna pažnja bit će posvećena sljedećim aktivnostima:

- Unaprjeđenje postojeće saradnje sa regionalnim, pobratimskim, prijateljskim i drugim gradovima Evrope i svijeta;
- Proširenje saradnje na glavne gradove država iz regiona, Evrope, zemalja kandidatkinja za članstvo u EU i država članica EU, kao i na gradove s kojima do sada nisu uspostavljene veze, a u skladu sa obostranim interesom.
- Utvrđivanje konkretnih projekata međugradske saradnje i njihova realizacija, te razmjena znanja i iskustava u raznim oblastima među kojima su urbana mobilnost, digitalizacija, zelene politike, kultura, sport, turizam, obrazovanje i drugim poljima za koje se iskaže obostrani interes, a u saradnji sa drugim gradskim službama.
- Saradnju sa gradovima ne ograničiti samo na razmjene posjeta zvaničnih delegacija, već je osnažiti kroz konkretne projekte i susrete građana.
- Iniciranje i praćenje realizacije preuzetih obaveza, zajedničkih inicijativa i konkretnih projekata definisanih sporazumima o saradnji s pobratimskim, partnerskim i drugim gradovima, te domaćim i međunarodnim institucijama i organizacijama.
- Sudjelovanje u radu međunarodnih asocijacija čiji je Grad Sarajevo član.
- Organiziranje ili sudjelovanje u međunarodnim skupovima od značaja za Grad Sarajevo.
- Saradnja sa diplomatsko - konzularnim predstavništvima sa sjedištem u Bosni i Hercegovini i izvan nje, i međunarodnim organizacijama i specijalnim misijama u Bosni i Hercegovini.
- Saradnja i koordiniranje međunarodne aktivnosti sa državnim institucijama Bosne i Hercegovine, Kantonom Sarajevo i gradskim općinama, radi bolje promocije Grada Sarajeva i Bosne i Hercegovine.

- Osnajivanje saradnje sa Uredom Vlade Kantona Sarajevo za dijasporu sa ciljem pružanja podrške u uspostavljanju i unapređenju saradnje sa bosanskohercegovačkom dijasporom koja se nalazi u gradovima regiona, Evrope i svijeta, uvrštavajući susrete sa istom u program posjete delegacija Grada Sarajeva, čime se otvara mogućnost za institucionalno povezivanje i s gradovima u kojima živi dijaspora.

PROGRAM RADA GRADSKOG VIJEĆA GRADA SARAJEVA ZA 2026. GODINU

Saradnja sa lokalnim zajednicama u zemlji i inostranstvu

Naziv materijala: **Izveštaj o aktivnostima Grada Sarajeva u oblasti međunarodne saradnje u 2025. godini.**

Pravni ili drugi osnov za izradu: Član 77. stav 1. Statuta Grada Sarajeva.

Predlagač: Gradonačelnik.

Nosilac izrade: Stručna služba za protokolarne poslove, odnose s javnošću i međunarodnu saradnju.

Rok za izradu, odnosno razmatranje: februar.

Organi koji će razmatrati materijal: Gradski savjet i Gradsko vijeće Grada Sarajeva.

Kratak sadržaj materijala: Izveštaj o realizaciji Programa međunarodne saradnje Grada Sarajeva za 2025. godinu i o aktivnostima gradonačelnika na provođenju politike Grada Sarajeva u oblasti međunarodne saradnje.

Finansijska sredstva: Izveštaj ne iziskuje finansijsku obavezu Grada Sarajeva.

Naziv materijala: **Program međunarodne saradnje Grada Sarajeva za 2027. godinu (Nacrt).**

Pravni ili drugi osnov za izradu: Član 77. stav 1. Statuta Grada Sarajeva.

Predlagač: Komisija za međunarodnu saradnju.

Nosilac izrade: Stručna služba za protokolarne poslove, odnose s javnošću i međunarodnu saradnju.

Rok za izradu, odnosno razmatranje: oktobar.

Organi koji će razmatrati materijal: Gradski savjet i Gradsko vijeće Grada Sarajeva.

Kratak sadržaj materijala: Ciljevi međunarodne saradnje Grada Sarajeva, teme koje će se određenom dinamikom razmatrati na sjednicama Gradskog vijeća, pregled redovnih i planiranih aktivnosti iz oblasti međunarodne saradnje.

Finansijska sredstva: Finansijska sredstva se planiraju u Budžetu Grada Sarajeva.

Naziv materijala: **Program međunarodne saradnje Grada Sarajeva za 2027. godinu (Prijedlog).**

Pravni ili drugi osnov za izradu: Član 77. stav 1. Statuta Grada Sarajeva.

Predlagač: Komisija za međunarodnu saradnju.

Nosilac izrade: Stručna služba za protokolarne poslove, odnose s javnošću i međunarodnu saradnju.

Rok za izradu, odnosno razmatranje: decembar.

Organi koji će razmatrati materijal: Gradski savjet i Gradsko vijeće Grada Sarajeva.

Kratak sadržaj materijala: Izveštaj o provedenoj javnoj raspravi i prijedlog Programa izrađen na osnovu utvrđenog nacrtu i prihvaćenih rješenja proizašlih iz javne rasprave.

Finansijska sredstva: Finansijska sredstva se planiraju u Budžetu Grada Sarajeva.

PLAN AKTIVNOSTI

- **Posjeta inostranih delegacija povodom 6. aprila - Dana grada Sarajeva**
Grad Sarajevo poziva pobratimske i prijateljske gradove da prisustvuju obilježavanju 6. aprila - Dana grada Sarajeva. To je prilika za susret čelnika Grada Sarajeva i Gradskog vijeća Grada Sarajeva sa kolegama iz drugih gradova, ali i razmjenu ideja i iskustava, uspostavljanje i unapređenje saradnje na regionalnom i međunarodnom nivou.
Mjesto i vrijeme: Sarajevo, 06.04.2026. godine.
- **Obilježavanje 9. maja - Dana Evrope i Dana pobjede nad fašizmom**
Grad Sarajevo poziva predstavnike diplomatsko-konzularnih predstavništava u Bosni i Hercegovini, da prisustvuju programu obilježavanja 9. maja - Dana Evrope i Dana pobjede nad fašizmom.
Mjesto i vrijeme: Vijećnica, 09.05.2026. godine.
- **Posjeta inostranih delegacija povodom 32. Sarajevo Film Festivala**
Grad Sarajevo poziva gradonačelnike pobratimskih i prijateljskih gradova da prisustvuju ceremoniji otvaranja Sarajevo Film Festivala, kao jednog od najvažnijih i najvećih kulturnih događaja u regionu i Evropi.
Mjesto i vrijeme: Sarajevo, august 2026. godine.
- Obilježavanje godišnjica saradnje s pobratimskim i prijateljskim gradovima.
- Organizacija događaja kojima će grad Sarajevo predstaviti svoju kulturu i tradiciju u pobratimskim, prijateljskim i drugim gradovima.
- Prisustvo Grada Sarajeva na manifestacijama kulturnih, sportskih i drugih sadržaja u drugim gradovima.
- Pružanje podrške gradovima i međunarodnim institucijama u organizaciji manifestacija u bosanskohercegovačkoj prijestolnici.
- Sudjelovanje Grada Sarajeva u međunarodnim asocijacijama poput svjetske unije olimpijskih gradova (UMVO), Mreže evropskih gradova Eurocities, Mreže kreativnih gradova UNESCO, Mreže balkanskih gradova B40 i sl.
- Priprema i realizacija kako planiranih posjeta predstavnika prijateljskih, pobratimskih i drugih gradova i međunarodnih institucija Gradu Sarajevu, i obratno predstavnika Grada Sarajeva prijateljskim, pobratimskim i drugim gradovima i međunarodnim institucijama, tako i realizacija aktivnosti koje nisu bile predviđene, ali su sastavni dio međunarodne saradnje Grada Sarajeva i važne su za razmjenu znanja i iskustava.

S obzirom da međunarodna saradnja gradova inicira kontinuiranu razmjenu informacija, znanja i iskustava u različitim oblastima od zajedničkog interesa, ključan je multisektorski pristup, odnosno rad različitih gradskih službi na pripremi i realizaciji konkretnih projekata, u zavisnosti od oblasti na koju se projekat odnosi.

FINANSIJSKA SREDSTVA

Sredstva za realizaciju Programa međunarodne saradnje Grada Sarajeva za 2026. godinu osiguravaju se u Budžetu Grada Sarajeva za 2026. godinu.

**PREDSJEDAVAJUĆI
GRADSKOG VIJEĆA GRADA SARAJEVA**

Alen Girt, s.r.

Broj:

Datum: